

DIRIWAYATKAN oleh Imam At-Tirmidzi, daripada Aisyah Radhiallahu 'anha, Rasulullah Sallallahu Alaihi Wasallam bersabda yang bermaksud : "Tidak melakukan seseorang sesuatu amal pada hari raya yang lebih disukai Allah daripada menumpahkan darah (menyembelih korban), sesungguhnya korban itu akan datang pada hari kiamat dengan tanduk, bulu dan kuku kakinya. Dan sesungguhnya darah korban itu jatuh daripada Allah pada satu tempat kemuliaan sebelum jatuh ke bumi, maka sukakanlah diri kamu dengan korban itu".

## MARTABATKAN LULUSAN INSTITUT PENGAJIAN TINGGI ISLAM



KEBAWAH Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam, Canselor Universiti Islam Sultan Sharif Ali (UNISSA) berkenan mengurniakan titah pada Perasmian Persidangan Antarabangsa Universiti-universiti Islam 2023. - Foto : Mohd. Zul-izzati Haji Duraman.

■ Oleh : Haniza Abdul Latif

JERUDONG, Selasa, 27 Jun. - Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam, Canselor Universiti Islam Sultan Sharif Ali (UNISSA) bertitah, Persidangan Antarabangsa Universiti-universiti Islam 2023 (ICIU2023) yang bertemakan 'Landskap Pendidikan Pengajian Tinggi di Abad Ke-21 : Strategi dan Halatuju', diharap akan dapat memberikan sumbangan yang signifikan kepada pengembangan ekosistem pendidikan institusi pengajian tinggi Islam global.